

摘藻堂四庫全書薈要

集部

欽定四庫全書薈要卷一萬五千一百九十七

集部

山谷年譜卷十一

宋 黃芻 撰

元豐三年庚申上

先生是歲入京改官授知吉州太和縣

詳見先生寄李公擇詩序

是秋自汴京歸江南

見曉放汴州詩註

十月游山谷寺

按張翔夫哀詞序云張庖民翔夫往在皖溪口

開泉長安嶺下元豐庚申十月余舟次泉下

云云

山谷寺在皖山三祖山屬舒州有石牛洞等林泉之勝先生遊而樂之因此號山谷道人

### 十一月小寒日上潛峯

先生有題名石刻云建康李參彭蠡李秉彝秉文磁湖吳擇賓華陽丘楫豫章黃庭堅歲庚申日小寒過飯而西上潛峯竭司命所過道人寢

室將十區便房曲閣所見山皆不同轍有佳處  
行憇寶公井瞻禮粲禪師塔坐卧傳巖亭下下  
酒島歸宿曉老生生堂西閣夜漏下十刻所以  
長歷考之即元豐三年十一月二十一日也又  
擢秀閣詩後題云廣陵蘇子平南康李德叟章  
水黃魯直庚申小寒後一日同來觀瀟山天柱  
雪

十二月過南康還鄉

見大孤山詩注

次韻答叔原會寂照房呈稚川

詩中有我家猶北門之句當是先生入京改官

猶寄家北京耳

同王稚川晏叔原飯寂照房得房字

次韻叔原會寂照房得照字

次韻稚川得寂字

都下喜見八叔父

八叔父即夷仲給事是時為集賢校理判尚書  
刑部按國史元豐三年除權發遣河東提點刑  
獄公事兼提舉義勇保甲政先生入京改官之  
時且詩中有一別七冬夏之句當是熙寧間先  
生在北京時給事嘗體量河北河東災傷道經  
由相見至今七年耳

次韻叔父夷仲送夏君玉赴零陵主簿

己上六篇並元載外集

次韻王稚川客舍二首

按蜀中石刻先生此詩真蹟題云王昶稚川元  
豐初調官京師寓家鼎州親年九十餘矣嘗閱  
貴人家歌舞醉歸書其旅邸壁間云雁外無書為  
客久蛩邊有夢到家多畫堂玉珮縈雲響不及  
桃源欸乃歌予訪稚川于邸中而和之五湖作  
五更每占作不嗔

王稚川既得官都中有所盼未歸予戲作林夫人

款乃歌二章與之竹枝歌本出三巴其流在湖  
湘耳款乃湖南歌也

按蜀本石刻題云余復戲代稚川之妻林夫人  
寄稚川時稚川在都下有所顧盼留連未歸也  
而其詩與集中所載前後不同云花上盈盈人  
不歸棗下纂纂實已垂尋師訪道魚千里蓋世  
功名忝一炊卧冰泣竹慰母饑天吳紫鳳補兒  
衣臘雪在時聽嘶馬長安城中花片飛又任氏



注云什邡張氏有山谷手書此詩與今日本正  
同唯一二字稍異實已垂作實已稀又有跋云  
宋時有女鬼至人家歌花上盈盈曲悲壯不可  
聽

病起次韻和稚川進叔倡酬之什

稚川約晚過進叔次前韻贈稚川并呈進叔

二詩中有老境侵尋每憶家及我歸河曲定寒  
食之句

自咸平至太康鞍馬間得十小詩寄懷晏叔原并  
問王稚川行李鵝兒黃似酒對酒愛新鵝此他  
日醉時與叔原所詠因以為韻

咸平太康皆京師屬邑在東南政先生歸江南  
之路

已上十二篇並元載外集

從舅氏李公擇將抵京輔以歸江南初自淮之西  
猶未秋日思歸

是歲先生復往北京挈家歸江南作

翌日阻雨次韻

己上二篇並元載別集

汴岸置酒贈黃十七

按王直方詩話云山谷謂洪龜父云甥最愛老  
舅詩中何語龜父舉蜂房各自開戶牖蟻穴或  
夢封侯王黃流不解沈明月碧樹為我生涼秋  
以為深類工部山谷云得之矣後一聯即此詩

曉放汴舟

詩中有秋聲滿山河及又持三十口去作江南  
夢之句政歸江南所作

次盱眙用前韻

已上三篇並元載外集

詠史呈徐仲車

仲車名積謚節孝先生家于楚州當是先生經

涂所作

金方口人  
卷十一  
次韻徐仲車喜董元達訪之作南郭篇四韻

元達名達

次韻仲車為元達置酒四韻

次韻仲車因婁行父見寄之詩

此三詩蜀本置之崇寧元年然先生有是年八月間與平仲少府書云審仲車先生棄士大夫不起於山陽窮居失所又不幸至此直使人哀痛也然仲車好德樂義不屈其身以至耆老好

學不倦以至於盡在先生無憾矣此書疑在荆南蓋有自八月大病幾至委頓之說政是荆南待命之時則此詩決非當時所作今移附于此

外舅孫莘老守蘇州留詩斗野亭庚申庭堅和

亭在揚州召伯埭按淮海秦少游集有和孫莘老召伯斗野亭古詩

十月十三日泊舟白沙江口

元注真州唐永正縣之白沙鎮也

發白沙口次長蘆

阻風入長蘆寺

詩中有歲寒風落山故鄉喜言旋之句

次韻伯氏長蘆寺

詩中有攜手霜木末之句

金陵

別蔣穎叔

穎叔名之竒嘗作江淮發運當是經涂所作

次韻答李端叔

贈別李端叔

行行重行行贈別李之儀

端叔名之儀寓居蕪湖三詩雖有先後因是時  
經涂附見

阻風銅陵

銅官縣望五松山集句



阻水泊舟竹山下

詩中雖有柳暗花濃一半春之句然歲月已不可考姑附于此

銅官僧舍得尚書郎趙宗閔墨竹一枝筆勢妙天下為作小詩二首

池口風雨留三日

貴池

大雷口阻風

庚寅乙未猶泊大雷口

按國史元豐三年十二月己丑朔庚寅蓋初二日與行程頗合

乙未移舟出口

丙申泊東流縣

己上二十一篇並元載外集

題山谷石牛洞

先生有真蹟石刻題云題山谷寺石橋下

書石牛溪旁大石上

題山谷大石 此二篇並元載外集

題瀟峯閣

閣在舒州提刑司公擇時為淮西提刑蓋治所  
作

次韻公擇舅

同蘇子平李德叟登擢秀閣

靈龜泉上

從丘十四借韓文二首

詩中有同安得見丘遲之句

以右軍書數種贈丘十四

李君貺借示其祖西臺學士草聖并書帖一編二  
軸以詩還之

三至堂

玉照泉

已上八篇並元載外集

山谷年譜卷十一

欽定四庫全書薈要卷一萬五千二百九十八

集部

山谷年譜卷十二

宋 黃芻 撰

元豐三年庚申

下

發舒州向皖口道中作寄李德叟

題馬當山魯望亭四首

宿舊彭澤懷陶令

先生過南康軍祭劉凝之文云元豐三年庚申  
十二月辛酉彭澤屬江州又在江州之下

潯陽江口阻風三日

泊大孤山作

元注庚申十二月

題落星寺四首

先生有真蹟以前二首題云題落星寺第三首  
題云題落星寺嵐漪軒第四首題云往與道純  
醉臥嵐漪軒夜半取燭題壁間云又有蜀本石  
刻前一首題云落星寺僧請題詩而首句略不

同云游空天衆有竇墜及晝吟作晝倚江撼牀  
作波撼牀窠房作蜂房牖戶作戶牖青雲梯幾  
級作虛空更幾級瘦藤作一藤而第四首石刻  
題作醉書落星寺壁時與劉道純同飲二僧在  
焉

### 玉京軒

先生有真蹟跋語云將旦起坐復得長句忽忽  
就竹輿不暇寫歲行一周道純已凋落為之隕



涕故書遺超上人可刻石于吾二人醉處它日  
有與予友及道純好事者尚徘徊碑側元祐六  
年大寒黃庭堅書

壽聖觀道士黃至明開小隱軒太守徐公為題曰  
快軒庭堅集句詠之

過致政屯田劉公隱廬

詩中有木行天再環之句蓋先生自戊申赴葉  
縣尉至庚午方改官歸政與詩句合

已上九篇並元載外集

拜劉凝之畫像

此詩蜀本詩集置之崇寧元年蓋先生自荆入岳遵陸至萍鄉回涂自筠陽豫章山行由東林太平觀至江州初不經由南康今附于此

知郡大夫改築射亭與五老峯晤對極為勝賞輒以長句詠歎 此篇元載別集

和劉太博攜家游廬山

駐輿尋訪後山陳德方家

二篇並元載外集

題姨母李夫人墨竹二首

此詩載文集蜀本置之館中非是蓋畫壁在廬  
山楞伽寺今附此

題李夫人偃竹

南康席上贈劉李二君

二篇並元載外集

元豐四年辛酉上

先生是歲赴太和

是歲考試舉人于南安軍

豐城

豐城乃豫章屬邑自豫章至吉州太和先經由  
此地

臨江寺僧以金線猿皮蒙棊几

臨江軍在豐城之上

上蕭家峽

何蕭二族

魏夫人壇

隱梅福處

蕭子雲宅

避秦十人

黃雀

皆是赴太和經由所作

已上九篇並元載外集

### 休亭賦

此賦雖無年月先生作蕭濟父墓誌云濟父元祐六年乃以特奏名試于庭得一命而歸没于牖下初濟父既無仕進意築屋于清江峽之碕巴丘之上曰休亭閒居且二十年因前篇有蕭家峽詩今附于此又按洪駒父嘗跋先生此賦盖山谷少作也晚年刊定其卒章曰是謂不著

而筮從無龜而吉卜蓋初本其末兩句云蓋嘗  
聞伯夷之風何能問詹生之卜

到官歸志浩然二絕

庭堅得邑太和六舅按節出同安解后於皖公溪  
口風雨阻留十日對榻夜語因詠誰知風雨夜  
復此對牀眠別後更覺斯言可念列置十字字  
為八句寄呈十首

詩中有得邑邇梅嶺開花向春妍之句又序稱

別後故附于此

題吉州承天院清涼軒

戲題承天寺法堂前柏

次韻答揚子聞見贈

詩中有黃綬今為白下令之句

蕭巽葛敏修二學子和予食筍詩次韻答之二首  
胡朝請見和食筍詩輒復次韻

聞致政胡朝請多藏書以詩借書目



已上二十篇並元載外集

贛上食蓮有感

贛上即今贛州舊虔州先生自吉往南安考試  
經過按先生有此詩真蹟藁本謹附錄于後

蓮實大如指分甘念母慈共房頭齷齷更深  
兄弟思實中有么荷拳如小兒手令我憶衆  
雛迎門索梨棗蓮心政自苦食苦何能甘投  
劾去未能竊祿以懷慙蓮生淤泥中不與泥

同調食蓮雖云多知味良獨少吾家雙井塘  
十里秋風香安得免冠紱歸製芙蓉棠今集  
中亦有數字不同

南安試院無酒飲周道輔自贛上攜一榼時時對  
酌惟恐盡試畢僕夫言尚有餘樽木芙蓉盛開  
戲呈道輔

詩中有山邑已催乘傳馬曉窻猶共讀書螢之  
句

戲贈南安倅柳朝散

效孔文舉贈柳聖功六言三首

謝陳正字送荔枝三首

詩中有十年梨棗雪中看及稍知身作近南官  
之句蓋自葉縣北京任官十年而後來太和頗  
與詩意合又云橄欖灣南遠歸客煩將嘉果送  
蓬門當是自贛上得之就寄歸太和耳今附於

此

題虔州東禪圓照師新作御書閣

題槐安閣

并序

序中云東禪僧進文結小閣於寢室東故附于此

已上十篇並元載外集

山谷年譜卷十二

欽定四庫全書薈要卷一萬五千一百九十九

集部

山谷年譜卷十三

宋 黃嚳 撰

元豐四年辛酉

下

洪範以不合俗人題廳壁二絕句次韻和之

詩中有南康郡下參軍耳南康即贛州郡名洪  
範名卞時官贛上蓋先生出試院歸涂所作

發贛州寄余洪範

按先生有此詩真蹟胷中淳于吞一石塵下庖

丁解十牛作紅衣傳酒傾諸客清夜中談誇九  
州又有題名數行云王誠之柳誠甫周道甫魏  
伯殊余洪範徐適道徐致虛馬固道東禪惠老  
及有詩一首云惠老有才氣往來三十年松風  
沉永日詩句即深禪萬水千山裏長安大道邊  
相逢欲留語此月別時圓謾附于此

二篇並元載外集

答余洪範

此篇元載別集

秋思寄子由

按蜀本詩集注云是時蘇黃門謫監筠州鹽稅  
筠吉皆在江西山谷嘗有與黃門書云得邑極  
南幸執事在旁郡又云有高安行李必問動靜  
高安即筠州黃門名轍字子由

奉寄子由

大臨

奉答元明

轍



二詩元附

次韻奉寄子由

再次韻奉答子由

再次韻寄子由

次韻寄上七兄

秋思

和七兄山籟湯

同韻和元明兄知命弟九日相憶二首

按先生有此詩真蹟藁本首篇云

革囊南渡傳詩句兄弟相思意象真九日黃  
花傾壽酒幾迴青眼望居塵早為學問文章  
誤老作東西南北人安得田園可溫飽長拋  
簪紱裹頭巾後篇與集中同但鄰田作田鄰  
耳

雙澗寺二首 寺在太和境內

代書

詩中有我為萬夫長之句

睡起

奉送周元翁鎖吉州司法聽赴禮部試

元翁名燾

飲潤父家

潤父舊名渥字潤父後更名育字懋達會稽人  
時為吉州司理先生以兄弟合宗已載先生所  
作黃育字序

次前韻寄潤父

出迎使客質明放船自瓦窑歸

答何君表感古塚

會稽竹萌為蘄春傅尉作

還深甫同年兄詩卷

次韻和答孔毅父

毅父嘗為吉倅

再和舊韻寄孔毅父

招隱寄李元中 元中名冲元

已上二十四篇並元載外集

龍眠操三章贈李元中

此篇元載文集

元豐五年壬戌

上

先生是歲在太和

按九月十六日上運使劉朝請書云錄錄下邑  
蓋將暮年又承批政之後負逋在民縲繫滿獄

勤苦教養僅為細民之安

二月二日曉夢會于廬陵西齋作詩寄陳適用

適用名汝器時知廬陵先生到官在去歲此詩

盖今春作

長句謝適用惠送吳南雄所贈紙

寄陳適用

絕句

戲題

寄懷元翁

對酒次前韻寄懷元翁

侯尉之吉水覆按未歸三日泥雨戲成寄之

侯尉家聽琵琶

寄袁守廖獻卿

廖袁州次韻見答并寄黃靖國再生傳次韻寄之  
次韻奉答廖袁州懷舊隱之詩

上權郡孫承議

先生有作知吉州姚公墓銘云姚公歿于元豐  
辛酉八月己未當是此後來攝郡事

送權郡孫承議歸宜春

奉和孫奉議謝送菜絕句

和孫公善李仲同金櫻餌唱酬二首

詩中有我方困健訟及不能鳴弦坐之句

答余洪範二首

藥名詩奉送揚十三子問省親清江



三月乙巳賦鹽萬歲鄉且蒐獮匿賦之家晏飯此舍  
遂留宿是日大風自採菊苗薦湯餅二首

按別本湯餅下有紅藥盛開四字且有三首其  
三云春風一曲花十八拚得百醉玉東西露葉  
壓枝見紅藥猶似舞餘和汗啼

題高君正適軒

己上二十三篇並元載外集

山谷年譜卷十三

欽定四庫全書薈要卷一萬五千二百

集部

山谷年譜卷十四

宋 黃芻 撰

元豐五年壬戌 中

贈別李次翁

按蜀本詩集注以張方回家本編次在秋思寄  
子由之後

寄李次翁 此篇元載外集

別友賦送李次翁 此篇元載文集

四月戊申賦鹽萬歲山中仰懷外舅謝師厚

按師厚之弟刑部尚書景溫所作謝氏小隱田  
記云元豐五年余自長沙蒙恩以禮部侍郎  
召還道出襄陽時伯兄以朝散大夫通判是州  
兄弟相見皆白首矣而此詩亦有祇今漢龐公  
白髮佐州郡之句則是今歲所作無疑

癸丑宿早禾渡僧舍

宿觀山

上大蒙籠

元注乙卯晨起

勞坑入前城

元注乙卯飯後

乙卯宿清泉寺

丙辰仍宿清泉寺

丁巳宿寶石寺

戊午夜宿寶石寺視寶石戲題

已未過太湖僧寺得宗汝為書寄山預白酒長韻

詩寄答

庚申宿觀音院

辛酉憇刀坑口

金刀坑迎將家待追漿坑十餘戶山農不至因題  
其壁

題安石榴雙葉

次韻漢公招七兄

送酒與周法曹用贈潤父韻

寄題安福李令適軒

安福蓋太和鄰邑

寄題安福李令先春閣

寄題安福李令愛竹堂

題安福李令朝華亭

登快閣

閣在太和今有先生祠堂

和李才甫先輩快閣五首

八月十四夜刀坑口對月奉寄子難子聞適用

子難名堯臣

彫陂

詩中有僧言生長八十餘縣令未嘗身到此之  
句

幾復寄檳榔且答詩勸予同種復次韻寄之

以歲月考之此時幾復已為廣州四會令矣

黃幾復自海上寄惠金液三十兩且曰惟有德之士宜享將以排蕩陰邪守衛真火幸不以凡物畜之戲答

幾道復覓檳榔

詩中有莫笑忍饑窮縣令之句

次韻幾復答予所贈三物三首

戲答龍泉余尉問禪二小詩

龍泉盖太和鄰邑



漫興

詩中有曉來不倦聽衙鼓之句

次韻答任仲微

詩中有不堪黃綬腰銅印之句

次韻答任仲微

和答任仲微贈別

送酒與畢大夫

喜太守畢朝散致仕

先生作太守畢公墓誌銘云元豐五年冬十一月歿于理所

倉後酒正廳昔唐林夫謫官所作十一月己卯余納秋租隔墻芙蓉盛開

按長曆十一月己卯乃是年十一月初二日先生有真蹟題云太和倉後酒正廳昔唐林夫謫官所作十一月己卯余來受秋租隔墻木芙蓉盛開

送晁道夫叔姪

詩中有我為折腰吏之句又云二年吟楓葉則  
是到太和兩載矣故附是歲

和知命招晁道夫叔姪

再次韻戲贈道夫

次韻惜范生

吉老受秋租輒成長句

吉老蓋太和縣

再次韻和吉老

招吉老子範觀梅花

子範姓李名覲袁州人元豐二年特奏推恩為  
太和尉其兄名觀字夢符為清江縣嘗為太守  
作祭歐公母夫人文曰昔孟軻亞聖母之教也  
今有子如軻雖死何憾文忠擊節賞之故後篇  
有乃兄本是文章伯之句

子範徼巡諸鄉捕逐羣盜幾盡輒作長句勞苦行

李

詩中有乃兄本是文章伯此老真成矍鑠翁之  
句

送徐隱父宰餘干二首

先生有此詩真蹟藁本云

地方百里身南面翻手冰霜覆手炎贅婿得  
牛庭少訟長公齋馬吏爭蕪邑中丞掾陰桃  
李案上文書略米鹽治狀安須聞豈弟此行


端為霽威嚴

天上麒麟來下瑞  
江南橘柚間生賢  
玉臺書在猶騷雅  
孺子亭荒只草烟  
半世功名初墨綬  
同兄文字敵青錢  
割雞不合庖丁手  
家傳風流在着鞭

己上五十二篇並元載外集



山谷年譜卷十四



總校官庶吉士 臣 張能照

校對官學正 臣 李 巖

謄錄監生 臣 蔣繼勳



欽定四庫全書薈要

集部

山谷年譜卷十五至二十五

詳校官助教臣謝登雋



欽定四庫全書薈要卷一萬五千二百一

集部

山谷年譜卷十五

宋黃芻撰

元豐五年壬戌

下

送何君庸上贛石

君庸蓋太和簿

送君庸

北園步折梅寄君庸

次韻君庸寓慈雲寺待韶惠錢不至

已上四篇並元載外集

奉和答君庸見寄

梅花 此二篇並元載別集

何主簿蕭齋郎贈詩思家甚苦戲和答之

次韻和魏主簿

次韻奉答存道主簿

已上三篇並元載外集

從時中乞蒲團二首

前篇載外集第七卷首句云撲屋陰風雪作團  
後篇載外集第十四卷首句云織蒲投我最宜  
寒前篇小異蜀本作謝時中送蒲團并附此詳  
見後注

奉送時中攝東曹獄掾

時中蓋太和同官入城攝事故詩中有府中奪  
我同官良之句又有云蒼崖按轡虎豹號及昨  
日歸來有行色恐是尉曹與子範爲交承者

戲答諸君追和予去年醉碧桃

奉答茂衡惠紙長句

茂衡太和人

雜言贈羅茂衡 已上三篇並元載外集

元豐六年癸亥<sup>上</sup>

先生是歲在太和

癸亥立春日煮茗於石池寺見庚戌中盛二十舅

中叔為縣時題名歎此寺不日而成哀縣學敝

而不能復

立春

寄舒申之戶曹

申之名卷詩中有吉州司戶官雖小之句

次韻答杜仲觀二絕

再次韻杜仲觀二絕

社日奉寄君庸主簿

觀王主簿酴醾

醑醑

延壽寺見紅藥小魏揚州號為醉西施

延壽寺僧小軒極蕭灑予為名曰林樂取莊生所謂林樂而無刑者并為賦詩

詩中有晚風紅藥翻之句當是同時所作姑以時序為次

元翁坐中見次元寄到和孔四飲王夔玉家長韻  
因次韻率元翁同作寄湓城

夔玉名球太和人侍郎王贄之子

再次孔四韻寄懷元翁兄弟并致問毅甫

次韻元翁從王夔玉借書

學元翁作女兒浦口詩

去歲和元翁重到雙澗寺觀予兄弟題詩之篇總  
忘收錄病中記憶成此詩

古風贈周元翁

戲贈元翁



送張才翁赴秦簽

詩中有北門相見後十年之句

已上二十篇並元載外集

演雅

按蜀本詩集注云末句云江南野水碧於天中  
有白鷗閒似我當是在太和所作山房李彤李  
敵云此篇山谷晚年刪去

戲和答禽語

次韻舍弟喜雨

詩中有春隴未鋤蠶未眠之句以時序為次

一夕風雨花藥都盡惟有猗簽一叢濯濯得意戲

題

元注是日丙午四月朔按國史元豐六年四月  
實丙午朔故附於此

二篇並元載外集

奉答固道

詩中有強學未操製錦刀之句

奉和聖恩講論語長句

詩中有簿領文字千兔禿公庭噐訟百蟲鳴之句

二篇並元載別集

次韻答宗汝爲初夏見寄

同吉老飲清平戲作集句

次韻周法曹游青原山寺

次韻曾都曹喜雨

都曹既在郡中不應先生詩中有潔齋靳得歲  
同病託諸公之句又有戲題曾處善尉廳即此  
人尉廳亦非都曹所居當是時中與之對攝

戲題曾處善尉廳二首

寄上高李令懷道

上高屬筠州與太和皆江西屬邑

謝文灝元豐上文藁

讀方言

已上九篇並元載外集

山谷年譜卷十五

欽定四庫全書薈要卷一萬五千二百二

集部

山谷年譜卷十六

宋 黃芻 撰

元豐六年癸亥

中

次韻秋郊晚望

次韻周德夫經行不相見之詩

答周德夫見寄

歐陽從道許寄金橘以詩督之

次韻吉老十小詩

次韻吉老寄君庸

次韻奉答吉老并寄何君庸

袁州劉司法亦和予摩字詩因次韻寄之

袁與吉爲鄰此篇雖未知何時所作與前篇同韻姑附於此

聞吉老縣丞按田在萬安山中

萬安蓋太和鄰邑

次韻喜陳吉老還家二絕

再次韻和答吉老二首

太和奉呈吉老縣丞

詩中有令尹三年課之句

吉老許惠李北海石室碑以詩及之

吉老兩和示戲答

次韻吉老知命同遊青原二首

次韻知命入青原山口

陳吉老縣丞同知命弟游青原謁思禪師予以簿



領不得往二公雨久不歸戲作百家衣一首二  
十韻招之

次韻知命永和道中

次韻吉老游青原將歸

喜知命弟自青原歸

寄張宜父

送彥孚主簿

彥孚姓黃詩中有主簿吾宗秀之句

寄餘干徐隱甫

詩中有顧子白下邑之句

寄晁元忠十首

詩中有北書來無期雁不到梅嶺之句

次韻晁元忠西歸十首

此篇雖非同時所作然莫詳歲月姑附於此

奉答李和甫代簡二絕句

贈王環中

戲和于寺丞乞王醇老米

答永新宗令寄石耳

永新蓋太和鄰邑

贈朱方李道人

朱道人下世

題前定錄贈李伯牖二首

戲題水牯菴

先生有此詩真蹟題云戲題知命水牯菴而知

命亦有和篇云只看縛竹與編茅基土誰憑牢  
不牢無量劫馳邪枉徑刹那間得舊時槽脚跟  
着地曾稱屈鼻孔遼天未是高欲問此菴端的  
處南泉解便快簾刀

已上六十五篇並元載外集

山谷年譜卷十六

欽定四庫全書薈要卷一萬五千二百三

集部

山谷年譜卷十七

宋 黃芻 撰

元豐六年癸亥

下

靜居寺上方南入一徑有釣臺氣象甚古而俗傳  
謬妄意嘗有隱君子漁釣其上感之作詩

高至言築亭於家園以奉親總其觀覽之富命曰  
溪亭乞予賦詩予先君之弊廬望高子所築不  
過十牛鳴爾故予未嘗登臨而得其勝處

題息軒

題神移仁壽塔

題海首座壁

題仁上座畫松

摩詰畫

已上七篇並元載外集

題覺海寺

題醒心軒

此二篇並元載別集

十二月移德平鎮

先生有大孤山詩刻云是歲癸亥十二月予自  
太和移德平

江西泊舟後作

追憶予泊舟西江事次韻

宮亭湖

詩中有平生來往湖上舟一官四十已包羞之  
句先生是年三十九矣蓋歸舟自湖濱入脩江



由武寧而至分寧耳

已上三篇並元載外集

贈鄭郊

按蜀本詩集注云山谷有荊州爲興上人書此詩跋云癸亥歲予解官太和過武寧聞清上人當來延恩因謁鄭子通問消息題詩子通之壁草堂鄭郊處士隱處也云云予家所藏舊本如此老禪謂延恩長老法安安死於元豐八年山

谷爲之銘則此詩蓋是歲經塗所作

元豐癸亥經行石潭寺見舊和栖蟾詩甚可笑因  
削拊滅藁別和一章

舊詩云千里追奔兩蝸角百年得意大槐宮夢  
回身卧竹牕日院靜鴉啼柿葉風世路侵人頭  
欲白山僧笑我頰猶紅壁間佳句多坵壠問訊  
髑髏聊穰蓬乃嘉祐癸卯所作今前兩句仍舊

耳

夜發分寧寄杜澗叟

題杜槃澗叟冥鴻亭

已上三篇並元載外集

毀壁 并序

按別集載毀壁序云夫人歿後十有四年太夫人始知不得葬哭之不成聲曰使是子安歸乎其兄弟無以自解說念夫人建洪氏之廟南康廬山之下使刻石於廬山築亭以庥之髣髴其

平生而安之蓋夫人卒以熙寧庚戌至今恰十  
四年

過家

上冢

明叔知縣和示過家上冢二篇輒復次韻

明叔名知章治平二年進士元豐中知分寧詩  
中有去國二十年之句蓋自太和還家赴德平  
所作

次韻郭明叔長歌

先生有此詩真蹟云謹次韻上答知縣奉議惠  
賜長歌邑子宣德郎黃庭堅再拜上其間與印  
本有同異處如何如高陽酈生醉落魄作都不  
如安用蚓食而蝸跽作安用蚓食而蝸跽詩書  
自可老劉輪作自竒老斲輪鵬翼垂天公直起  
作鵬翼垂天公且起黃花零落一樽酒作黃花  
零亂一樽酒此帖見藏泉江劉廌家

詠清水巖呈郭明叔并序

次韻清水巖

次韻郭明叔登縣樓見思長句

宿山家效孟浩然

題徐氏姑壽安君壽梅亭

寄題陳瓘野軒

瓘字瑩中

題章和甫釣亭

已上十二篇並元載外集

元豐七年甲子<sup>上</sup>

先生是歲赴德州德平鎮到官當在夏秋之間

是春過揚州泗州

先生有與余清老書跋云元豐甲子相見於廣陵又有過泗州僧伽塔作發願文在三月

揚州戲題

先生有真蹟載石刻題云予往年過維揚時小

呂申公作守席上問申公紅藥開早晚因戒一  
牙吏走向土廟探花還報云花蓓初大如指面  
歸而作小詩按漫叟詩話云過揚州芍藥未開  
一首甲子春作此詩元載外集

### 寄劉泗州二首

前篇載外集第十四卷後篇載別集第一卷因  
泗州經途附

### 宿廣惠寺



詩中有僧舍初寒夜氣清及都下苦無書信到  
數行歸雁月邊橫之句則是秋時到官無疑故  
附此

送呂知常赴太和丞

詩中有我去太和欲期矣之句

二篇並元載外集

平陰張澄居士隱處三詩

按蜀本詩集注云張方回家本題云王郎求此

詩其詳具後篇此詩山谷晚年亦刪去

### 留王郎世弼

按蜀本詩集注云山谷在德平有與德平太守書客宦不能以家來官舍蕭然如寄而此詩有河外吹沙塵江南水無津之句又云我隨簡書來顧影將一身益言身在河北親在江南世弼名純亮

### 送王郎

寄家

詩中有遠別難為情之句

此篇元載外集

次韻劉景文登鄴王臺見思五首

景文名季孫嘗以如京使為東南第八將有詩  
名按蜀本詩集注云詩中有平原秋樹色沙麓  
暮鐘聲之句平原即德州又云繫匏兩相憶極  
目十餘城益鄴王臺在相州相與德皆河北郡

相去數驛

次韻吳宣義三徑懷友

以張方回家編次

送劉季展從軍鴈門二首

題宛陵張待舉曲肱亭

山谷年譜卷十七

欽定四庫全書薈要卷一萬五千二百四

集部

山谷年譜卷十八

宋 黃芾 撰

元豐七年甲子下

古風次韻答初和甫二首

詩中有道人四十心如冰之句先生生於乙酉  
是年四十和甫名虞世名士善醫有養生必用  
方行於世

次韻答和甫盧泉水三首

并序

盧泉在東平府須城縣盧泉鄉

和甫得竹數本於周翰喜而作詩和之

已上六篇並元載外集

贈初和甫

承示中秋不見月及憫雨連作恐妨秋成奉次元

韻 此二篇並元載別集

寄題欽之草堂

欽之即傅堯俞草堂在河陽

寄耿令幾父過新堂邑作迺幾父舊治之地

堂邑博州縣名

放言十首

送伯氏入都

渡河

已上十四篇並元載外集

元豐八年乙丑

哲廟登極先生是歲春夏猶在德平



四月丁丑以秘書省校書郎召其到京師當在六月間

按實錄是歲四月丁丑奉議郎黃庭堅爲校書郎

次韻清虛喜子瞻得住常州

按東坡年譜元豐七年自黃移汝十二月上表乞於常州居住八年正月到南京有放歸陽羨之命遂居常州今附於此子由嘗爲王定國作

清虛堂記清虛即定國也

次韻公秉子由十六夜憶清虛

次韻清虛同訪李園

次韻清虛

已上四篇並元載別集

寄裴仲謨

按蜀本詩集注云山谷在德平與德州太守書  
云庭堅官局勉以不瘵幸親老在都下善眠食

兄弟無他而此詩有我家輦轂下薪桂炊白玉  
在官與影俱衣綻髮曲局天機行日月春事勤  
草木之句則先生在德平過春又可無疑仲謨  
名綸

碾建溪第一奉邀徐天隱奉議并效建除體

再作答徐天隱

重贈徐天隱

以十扇送徐天隱

四月丁卯對雨寄趙正夫

正夫名挺之

寄懷趙正夫奉議

先生有題絳本法帖元豐八年夏五月戊申趙正夫出此書於平原官舍又題樂府木蘭詩後云元豐乙丑五月戊申會食於趙正夫平原監郡西齋二詩蓋當時作按國史元祐三年十月己丑蘇軾言御史趙挺之在元豐末通判德州而著作黃庭

堅方監本州德平鎮挺之希合提舉官楊景榮之意欲於本鎮行市易法而庭堅以為鎮小民貧不堪誅求若行市易必致星散公文往來士人傳笑

云

云先生他日宜州之禍亦基於此故因備載

題羅山人覽輝樓

詩中有思齋太任政勤苦之句

已上三篇並元載外集

寄黃幾復

元注云乙丑年德平鎮作按成都續帖先生草書此詩跋云時幾復在廣州四會予在德州德平鎮皆海瀕也

### 神宗皇帝挽詞三首

按蜀本詩集注云按實錄是歲三月戊戌神宗升遐此詩及王文恭挽詩皆因崩薨歲月爲次後多倣此

### 王文恭公挽詞二首

王珪字禹玉相神宗哲宗按實錄元豐八年五月庚戌薨謚文恭

謝送碾賜壑源揀芽

詩中有橋山事嚴庀百局及右丞似是李元禮之句橋山謂神宗山陵右丞謂李清臣邦直

以小龍團及半挺贈无咎并詩用前韻爲戲

晁補之字无咎

和答外舅孫莘老

按蜀本詩集注云舊本云莘老病起作詩寄同舍實錄本傳云元豐八年自秘書少監除右諫議大夫故詩中有少監巖壑姿及寄聲舊僚屬尚憐費諫紙之句而首句則云西風挽不來當是初秋所作

### 和答莘老見贈

詩中有諫垣始登收之句當是同時作

此篇元載外集



次韻定國聞子由卧病績溪

按蜀本詩集注云蘇黃門樂城集有復病詩云  
病作日短至病消秋風初黃門時爲歙州績溪  
令王定國名鞏

次韻子由績溪病起被召寄王定國

按蜀本詩集注云蘇黃門穎濱遺老傳云移知  
歙州績溪始至而奉神宗遺制居半年除秘書  
省校書郎明年至京師除右司諫此詩今歲秋

冬間所作先生有此詩真蹟藁本云

種萱盈九畹蘇子憂國病炎蒸卧百戰山立  
有餘勁斯人廊廟器不合從遠屏江湖搖歸  
心毛髮侵老境艱難喜歸來如晴月生嶺仍  
懷阻行舟風水蛟鱷橫補袞諫官能用儒吾  
道盛上書抵平津蠹藁尚記省至今民社計  
非事頰舌競方來立本朝獻納繼晨暝人才  
包新舊王度濟寬猛必開曲突謀滿慰傾耳

聽斯文呂與張泉下亦蘇醒天聰四門闕國

是九鼎定身得遭太平分甘守閒冷天津十

年面想見頰而整何時及國門休暇過煮茗

燒燈留夜語鴻雁看對影但恐張羅地頗復

多造請維此禮部公寒泉甃舊井謫去久羸

瓶台還汲脩綆太任決齋宮陛下天統慶日

月進亨衢經緯寒耿耿西走已和戎南還無

哀郢不圖西逐臣朝轡天街並王子竄炎州

萬死保軀命還家頗故紅信亦抱淵靜稅屋  
待車音掃門親帚柄行當把書傳載酒求是  
正端如嘗橄欖苦過味方永

次韻李之純少監惠研

詩中有我亦洗滌與清流之句當是初入館時  
之純名周

送舅氏野夫之宣城二首

李莘字野夫亦先生母舅按任氏注云按實錄

元豐八年十二月屯田郎中李莘知宣州然此詩未必是時所作姑以除官之歲月爲次餘多倣此

宣九家賦雪

詩中有窮臘月半破之句宣九謂宗室宣州院第九者

喜念四念八至京

詩中有朔雪蕭蕭映薄幃之句念四即非熊念

八諱仲堪字覺民先生從弟

二篇並元載外集

訪趙君舉

詩中有朔風吹雪滿都城之句因前篇賦雪附  
見元載別集

山谷年譜卷十八

欽定四庫全書薈要卷一萬五千二百五

兵部

山谷年譜卷十九

宋 黃籟 撰

元祐元年丙寅上

先生是歲在秘書省

按國史元祐元年三月司馬光言校書郎黃庭堅好學有文即日在本省別無職事欲望特差與范祖禹及男康同校定資治通鑑從之

十月丙戌除神宗實錄院檢討官集賢校理



按國史十月丙戌黃庭堅除實錄院檢討官集賢校理

送范德孺知慶州

按蜀本詩集注云德孺名純粹按實錄元豐八年八月直龍圖閣京東運使范純粹知慶州此詩云春風旌旗擁萬夫當是今年春初方作此詩爾趙子湜家有山谷與晁堯民帖云范五詩至今未成比來幾月四十日不曾道一句范五

即德孺

題王黃州墨跡後

題王仲弓兄弟巽亭

仲弓名寔

寄尉氏倉官王仲弓

有惠江南帳中香者戲贈二首

子瞻繼和復答二首

有聞帳中香以爲熬蝎者戲用前韻二首

按蜀本詩集注云右六詩答東坡篇中有喜公

新赴朝參之句是時東坡自登州至京師爲禮部郎中而迎燕潤花皆春時事

右按國史是歲正月蘇軾爲中書舍人先生有此詩墨蹟題云有聞帳中香疑爲熬蝎者輒復戲用前韻願勿以示外人恐不解事者或以爲其言有味也因附於此

謝公擇舅分賜茶三首

詩中有國老元年密賜來及拚洗一春湯餅睡

亦知清夜有蛟龍之句是春末所作

以潞公所惠揀芽送公擇次舊韻

承吏部蘇尚書右選胡侍郎皆和鄙句次韻道謝  
奉同公擇作揀芽詠

今歲官茶極妙而難爲賞音者戲作兩詩用前韻  
公擇用前韻戲嘲雙井

又戲爲雙井解嘲

奉同六舅尚書詠茶碾前烹三首

與李公擇道中見兩客布衣班荆而坐對戲奕秋  
因作一絕

次韻公擇雨後

六舅以詩來覓銅犀用長句持送舅氏學古之餘  
復味禪悅故篇末及之

奉和公擇舅氏送呂道人研長韻

詩中有春官酌典禮之句公擇時爲禮部侍郎

再和公擇舅氏雜言

詩中有人言無忌似牢之挽入書林觀文字之句

次韻答王四

戲答仇夢得承制三首

一載外集第四卷二載外集第七卷

和任夫人悟道

已上二十篇並元載外集

便糴王丞送碧香酒用子瞻韻戲贈鄭彥能

按蜀本詩集注云以類相從附前篇子瞻詩蓋  
守密州時作今追用其韻彥能名僅

顯聖寺庭枸杞

次韻子瞻贈王定國

東坡詩所謂謫仙竄夜郎子美耕東屯即此韻  
以東坡集考之是歲春晚所作

次韻張詢齋中春晚

次韻張仲謀過酺池寺齋

詩中有夜談簾幕冷霜月動金蛇之句

觀秘閣西蘇子美題壁及張侯家墨蹟十九紙率  
同舍錢才翁學士賦之

詩中有邇來四十年我亦校書郎之句蓋明年  
正月先生爲著作佐郎矣

此篇元載別集

次韻答晁无咎見贈

此篇與春晚詩同韻



雨過至城西蘇家

詩中有飄然一雨洒青春及都城誰是得閒人  
之句

暮到張氏園和壁間舊題

從人求花

已上三篇並元載外集以時序爲次

次韻答張文潛惠寄

文潛名耒按蜀本詩集注云按實錄是歲十二

月試太學錄張耒爲秘書省正字此詩蓋夏初  
方到太學供職所作故詩有忽復燕哺兒及學  
省得佳士之句

明月篇贈張文潛 此篇元載外集

同錢志仲飯籍田錢孺文官舍

志仲名穀孺文名景祥

次韻曾子開舍人遊籍田載荷花歸

按王直方詩話載此篇自美物亦有實至龍燭

照嬋娟云令君誠重客食前頗加籩西觀足撫  
仕東觀多臞仙何時載樽俎空入觀少年及此  
歸沐早少休從事賢傳觴定可醉下箔出嬋娟  
子開名肇

送劉士彥赴福建轉運判官

按蜀本詩集注云按實錄元豐六年六月壬子  
朝請郎劉士彥爲福建路轉運判官此篇後亦

刪去

次韻韓川奉祠西太一宮四首

次韻王荆公題太一宮壁二首

東坡集亦有此詩以東坡集考之當在是年秋  
有懷半山老人再次韻二首

和答錢穆父猩猩毛筆

穆父名勰樂城集中有和章略依倣以爲次

戲詠猩猩毛筆

客有和予前篇爲猩猩解嘲者復戲作詠

按蜀本詩集注云山谷有此詩跋云錢穆父奉使高麗得猩猩毛筆甚珍之惠了要作詩蘇子瞻愛其柔健可人意每過予書案下筆不能休此時二公俱直紫微閣故予作二詩前篇奉穆父後篇奉子瞻又任氏舊注云山谷此詩舊題云前篇奉錢穆父後篇奉子瞻是時二公皆作中書舍人按東坡是歲九月方遷翰林學士奉和文潛贈无咎末篇多見及以既見君子云胡

不喜爲韻

按蜀本詩集注云按實錄元豐二年四月乙巳  
徐州布衣陳師道充徐州州學教授觀此詩陳  
師道之篇以爲逸民蓋猶未得官也而詩又有  
紅榴罇多子之句宜以爲元年秋所作

贈陳師道

師道字無已一字履常

蓄淳熙初客富川與王景文質論詩景文云

嘗聞榮茂世云得之前輩言山谷嘗與後山  
相遇於穎昌因及杜詩暮歸詩中客子入門  
月皎皎誰家搗練風淒淒之句故此詩有云  
霜月入戶寒皎皎及萬人叢中一人曉元載  
外集雖未詳歲月因前篇注故附

送六十五弟賁南歸

贈吳道士

此二篇亦載外集





山谷年譜卷十九

欽定四庫全書薈要卷一萬五千二百六

集部

山谷年譜卷二十

宋 黃芻 撰

元祐元年丙寅

下

次韻答邢惇夫

按蜀本詩集注云按實錄元祐元年正月起居舍人邢恕權發遣隨州惇夫恕之子也侍親以行此詩有夢不到漢東之句漢東即隨州又云雨作枕簟秋蓋元年秋也惇夫名居實

和邢惇夫秋懷十首

詩中有陳師道篇如前說

謝公定和二范秋懷五首邀予同作

按蜀本詩集注云詩有黃令謂幾復也幾復丁卯歲方至吏部改官見二年詩此詩蓋元年所作明矣詩亦有陳師道篇如前說

送謝公定作竟陵主簿

同謝公定攜書浴室汶師置飯作此

詩中有天上歸來對書客之句

### 謝人惠茶

懋宗奉議有佳句詠冷庭叟野居庭堅於庭叟有  
十八年之舊故次韻贈之庭叟有佳侍兒因早  
朝而逸去其後乃插椒藩甚嚴密

已上三篇並元載外集

### 贈送張叔和

叔和名塤

送顧子敦赴河東三首

子敦名臨按蜀本詩集注云按實錄元祐元年七月秘書少監顧臨爲河東轉運使此詩有攬轡都城風露秋之句蓋秋晚所作

司馬溫公挽詞

是歲九月丙辰溫公薨而葬以明年二月樂城集亦有此詩當是今冬所作

送鄭彥能宣德知福昌縣

先生有此詩真蹟跋云吾友鄭彥能今可爲縣令師也以予寒鄉士不能重之於朝故作詩贈行以識吾愧元祐元年壬寅黃庭堅題今以歲月爲次移附於此

### 古意贈彥能

此詩元載外集雖非同時所作併附於此

### 次韻子瞻武昌西山詩

東坡集此詩序云元祐元年十一月二十九日

作

子瞻詩句妙一世乃云效庭堅體蓋退之戲效孟郊樊宗師之比以文滑稽耳恐後生不解故次韻道之

東坡集送楊孟容詩即此韻次武昌西山詩後柳閱展如蘇子瞻甥也其才德甚美有意於學故以桃李不言下自成蹊八字作詩贈之

戲詠蠟梅三首

按蜀本詩集注云京師初不以蠟梅爲貴其得名自先生始今附此篇於元年之冬

### 蠟梅

按蜀本詩集注云舊本題下注云和呈都尉當以爲王詩有埋玉之句謂王詵晉卿尚蜀國公主時主已下世

### 短韻奉乞蠟梅

此篇蜀本載於崇寧二年謝人惠猫兒頭笋後



今從元次附此

從張仲謀乞蠟梅

賈天錫惠寶薰乞詩予以兵衛森書戟燕寢凝清  
香十字作詩報之久失此藁偶於故紙中得之  
按蜀本詩集注云山谷有此詩跋云予甚寶此  
香未嘗與人城西張仲謀爲我作寒計惠騏驎  
院馬通薪二百因以香二十餅報之

戲答張秘監饋羊

此篇蜀本載之三年按實錄元祐二年二月己丑秘書監張問爲給事中今移附於此

元祐二年丁卯<sup>上</sup>

先生是歲在秘書省兼史局

正月除著作佐郎

按國史正月辛未黃庭堅爲著作佐郎

常父惠示丁卯雪十四韻謹同韻賦之

詩中有春皇賦上瑞之句則歲首所作常父即

孔武仲

詠雪奉呈廣平公

按吳曾漫錄云歐陽季默嘗問東坡山谷詩何處是好東坡不答但劇口稱重黃詩季默云如夜聽踈踈還密密曉看整整復斜斜豈是佳耶東坡云政是佳處廣平公即宋盈祖

和王明之雪

此篇元載別集與前篇同韻

次韻宋懋宗僦居甘泉坊雪後書懷

和答子瞻和子由常父憶館中事詩

按蜀本詩集注云以東坡樂城集爲次又此詩

云桃李春晝永

雙井茶送子瞻

和答子瞻

子瞻以子夏丘明見戲聊復戲答

省中烹茶懷子瞻用前韻

按蜀本詩集注云四篇當是今歲春送新茶詩  
有翰林貽我東南句謂東坡先生按實錄元年  
九月丁卯東坡遷翰林學士東坡集有次韻黃  
魯直赤目詩即此韻而元年十月山谷遷實錄  
院檢討官今歲又爲著作故有願載軒轅訖鼎  
湖之句

以雙井茶送孔常父

常父答詩有煎點徑須煩綠珠之句復次韻戲答

# 戲呈孔毅父

按蜀本詩集注云三篇皆用前韻第三篇有校書著作頻詔除之句山谷今歲除著作佐郎

## 謝黃從善司業寄惠山泉

從善名降後爲御史中丞此篇亦用前韻山谷晚年刪去按實錄元豐八年十二月乙酉承議郎黃降守國子司業此詩以與省中烹茶同韻姑從蜀本之次

予欲金玉汝贈黃從善

寄從善

此二篇元載外集恐亦非當時所作併附於此  
次韻子瞻春菜

按東坡集春菜詩在和古風前此詩當是追和  
今附於此元載外集

山谷年譜卷二十